

ARREST

DE NOSSEIGNEURS

de Parlement du 10. Mars, 1635.

donné contre les Meusniers, pour

le remboursement des frais faits par

la Communeauté des Marchands

frequentans la riniere de Loire,

pour le déplacement des mou-

lins trouuez en la voye

naugable.



A ORLEANS,

Chez la Vefue HOTOT.

1635.

EXTRAICT DES

Registres de Parlement.

EN T R E les Marchands frequentans la riuere de Loire & autres fleuves descendans en icelle, le Procureur general du R O Y ioinct avec eux, demandeurs aux fins de l'exploict du 28. Aoust 1632. d'une part; & Iean Baudouin & Guillaume Marfas Meusniers. demeurant à S. Pere, defendeurs d'autre. V E V par la Cour la demande desdits Marchands frequentans la riuere de Loire, à ce que lesdits Baudouin & Marfas fussent condamnez payer & rembourser lesdits demandeurs des frais par eux faits & auancez, pour déplacer & ranger le moulin desdits

defendeurs de la voye nauigable,
suiuant l'estat qui en seroit baillé par
iceux demandeurs : Ensemble les
rembourser des proces verbaux &
commandemens qui ont esté faits
ausdits defendeurs de ranger ledit
moulin hors de ladite voye nauiga-
ble, & outre condamnez és despens.
Defenses, répliques, appoinctement
en droict, productions desdites par-
ties, contredits desdits Baudouin &
Marfas; Requête desdits Marchāds
frequentans, employée pour con-
tredits, saluations desdits deman-
deurs, & tout considéré; DIT A
ESTE, que ladite Cour a condamné
& condamne lesdicts Baudouin &
Marfas payer & rembourser ausdits
demandeurs les frais par eux faits &
auancez, pour oster & ranger le
moulin desdits defendeurs hors de

la voye & cours de la nauigation de
la riuere de Loire. Et à ceste fin
bailleront lesdicts demandeurs vñ
bref estat & declaration desdits frais,
Condamne aussi lesdits defendeurs
rembourser lesdits demandeurs des
frais des proces verbaux & com-
mandemens qui ont esté faits, &
outre és despens. Prononcé le 10.
Mars 1635.

Signé,

RADIGVES.

*Collatione à l'Original rendu par moy Iacques
Desfoarnieulx Notaire Royal au Chastelet
d'Orleans & Greffier de ladite Communeauté,
le 27. Avril 1635.*